

مجموعه ابو الضرب

ماسوا شایه سندن دلی تطهیره چالش
بر تو حکمت و عرفان ایله تنویره آتش

هر ماه عربی ابتداسیله اون بشتنده نشر اولنور فنون مجموعه سیدر

جزو ۴۶ [فی ۱۵ جمادی الاولی سنه ۱۳۰۲] نسخده سی ۳ غروش

داخلنده محاکمه ایتش اولدیغدن شاید مطالعه سنه تنزل بیورلشدر ظنیه بوراده تکرارینه لزوم گورم . ذاتاً بوشی بحشمزك خارجنده در . آنجق امید ایتدیگم برشئی گورنجه کندی ضبط ایده میهرك شو برقاچ سطری یازدم . اصل مقصد عاجزانه ایسه عرض تشکرون عبارت ایدی .

منغلی زاده

طاهر

جواب

میرمن !

ترتیب صره سنده مقاله جوابیه گزی قبل التخیل اوقودم . بنده گز ذاتاً « گلدی قافیه کندی صافیه » دیان زوجة تریاقیدن زیاده قافیه دن متفرم . (شعر وخولیا ولقلقه بیمنی) تعیرندن غرضم بزم شعر وخولیار . بزم لقلقیات بیمنار ، یعنی « برطاق طمطراق . بیمنی - همچو طباست باطنش حالی » یتنك معرف اولدیغی صغوق نوالر ایدی . یوقسه حقیقی برقافیه ده دکل بیك صافیه فدا اتم . بنم اعتقاد حجه ادبیات حاضرده بودرلو قافیه لر ، فلانلر تصویر افکاردن ایسه تزییف اطواره مصروف اولمیدر . [شطحات صوفیه] اولیورده شطحات ادبیه نهچون جواز ویرلیور ؟ ادبای اسلاف هزل آمیز مقاله لرده و مزیفانه مکتوب لرده ، شعر لرده بیله (ترکیب اضافی) صورتنده کلمات اجنبیه استعمال ایتشدر . بو تصرفات ایسه فصاحتیه قیج آتدیرر ظرافتلردن دکلیدر ؟ حال بویله ایکن بنده گزك قافیه پردازانه بر افاده می مصروف لهندن آیروبده مقصدمك خلاقه عطف ایتمگزه نه قدر تاسف ایتسهم آزدر . واقعا شاعر دگلسه مده شعر نه دیمك اولدیغنی (آنك تعریفی کلام موزوندنر) دیمه جك قدر اولسون بیلانلردنم . میسترگیك ایسه طبعاً شاعر اولدیغنه مکتوبلری کافلدر . فقط سز بر ایکی مستثنالری حائر

اولدقارى موقع عالالعمال انفرادده ترك ايتدكدن صكره شاعر ديه كيمى
گوستره جكسكز؟ هر كيمى گوسترر ايسه كز ايشته بنم شعر وخوليا ولقلقه بيمعنى
تعيريم دخى نارد عائد اولديغنى بلا پروا اعلان ايدرم. بنده كز «رتوجه ايلسه م
دنياه بن - دون اولور بالى بابادن ياسمن» يولنده كى ياوه لردن پكده بالاتراولميان
گوه زه لكلى شعر واصحابى شاعر وباخصوص شعرى موزون سوزه مفتقر
عد ايدنلردن دكلم. ارباب شبابه ايسه تعرض بنم المدين فصل گله بيلوركه
استقبال ادبك صاحبي آنلردر. بونلرك ايچنده الله باغشلارسه شمديلك بنده
يتيشه جك اوچ اوغلوم بولنيور. سز بنده كزى او قدر حدينى بيلزى قياس
بيور بيورسكز؟ اعتقاد كز بومر كرده ايسه تاثيرى تعريف ايدم جك كله بوله نم.

ابو الضيا

ژان راق روسونك نوئل الوئيزندن

آلتنجى مکتوب

[سن يرودن - قلمره] [۱]

عمى زاده جگم، عمر كزى شوزوالى (شايو) [۲] ايچون گريه
ونالان ايله امرار ايتكم مى ايستيورسكز؟ اموات سزه احيايى فراموش
ايتدريملى ميدر؟ تأسفات وتلفات كز حقليدر، وبنده او بابده اشتراك ايدرم؛
فقط بونلرك دائمى وابدى اولملىرىمى اقتضا ايدر؟ مزبوره، والده كرك غيبو -
بتندنبرو سزى كمال دقت واعتنا ايله بيوتمش ايدى؛ سزه بر مربييه اولمقدن
زياده بر محبة وفا شعار ايدى. سزى درجه نهايه ده سور وسزك بكا اولان
مجتكزى بيلديكى ايچون بكا دخى اظهار محبت ايدر ايدى؛ قواعد حكمت

[۱] زولينك عمى زاده مى

[۲] قلمرك دايه مى